

Die Slag van Bergendal tydens die Tweede Vryheidsoorlog, Augustus 1900:

Op 11 November 2008 het Jahshua aan Johannes Snyder opdrag gegee om saam met die volgende persone die Tweede Vryheidsoorlog-gedenkteken, Bergendal, te besoek ter bevryding van die gekluis-terde gestorwe siele tydens die oorlog: Frans van Kraaiburg, Kobie Lubbe, Hannes en Jeanie Maree, Dirk van Vuuren, André en Theunette van Wyk, Jaco en Gerrie van Wyk, Pieter en Nalize Roets het saamgegaan.

Ons het reeds voor 09h00 vertrek na die gedenknaald, ongeveer 4 km buite Belfast. Daar aangekom, was dit taamlik bewolk en koel en almal het eers die monument van alle kante besigtig. Jahshua het aan Nalize opgedra dat Jesaja 32 en Mattheüs 28 voorgelees moet word. Vele foto- en video-opnames is van die struktuur van die monument, asook die gedenkplate gemaak.

Geskiedkundige oorsig van die slag

Die Slag van Berg en Dal strek oor paar dae ongeveer 21 tot 27 Augustus 1900. In bevel van Boere was Genl Louis Botha met ongeveer 7000 man en 20 kanonne (oa Long Tom kanonne) met doel om spoorlyn te beheer tussen Belfast en Paul Kruger se hoofkwartier in ooste. Aan Britse kant Buller met 19000 soldate en 82 kanonne.

Botha het op 'n strategiese koppie 60 van sy beste man (ZARP's – lede van die Republikeinse Polisiemag) geplaas met opdrag om koppie tot die dood toe te behou.

Buller het besef dat as hy koppie verower hy die boerelinie in 2 kan verdeel. Hewige bombardement het vir ure aangehou voor Britte koppie bestorm het. Britte word 2 maal teruggedryf deur Boere se verwoede vuur. Die Britte het moedig aangehou en uiteindelik moes ZARP's oorgee want hulle ammunisie was gedaan. Sommige ontvlug maar 19 word gevange geneem en 14 het gesneuwel. Aan Britse kant is 100 soldate gewond en 12 gesneuwel plus 7 offisiere gewond en 3 offisiere gesneuwel. Die monument se gesamentlike doodskis het hierdie 12 gesneuweldes se oorblyfsels bevat.

Verdere opdrag by monument terrein

Jaco het opgemerk dat die monument 'n embleem vorm en dat 'n kruis, soos dié waaraan Jahshua gesterf het, die hoeke van die monument met mekaar verbind. Aan die onderkant van die lang been van die kruis is die sarkofaag met die gedenknaald daarbo. Daar is 'n wit marmer kis op die linkerarm van die kruis-formasie gebou. Dit het geen byskrifte by nie en lyk soos 'n doodskis met 13 vlakke in die marmer met ses kante en ses vlakke op die deksel en 'n boonste plat

vlak. Jahshua het aan Pieter verduidelik dat dit Sy reine Liefde vergestalt in die vorm van 'n Verbondsark. Aangesien die kis in die posisie van Jahshua se linkerhand gebou is, wat naaste aan Sy hart is, verteenwoordig dit Liefdesdade en wel in hierdie monument Jahshua se Liefde vir Sy volk. Jahshua het ook aan Gerrie uitgelê dat die kis in die vorm van 'n diamant is, wat die wedergeboorte voorstel. Ons het dus die Liefde vir die volk kom aanbied deur vryspreking en verlossing.

Al twaalf persone het rondom die sarkofaag vergader. Aan al vier kante moes daar drie persone staan, waarna Johannes met gebed geopen het. Almal moes hulle hoede op die 12 swart granietstene van die sarkofaag plaas, en onopsetlik was almal met voorkante na buite neergesit. Hierna moes die dele uit Johannes Snyder se Boek van Herinnering voorgelees word, wat in opdrag saamgeneem is. Dit was treffend om te sien hoe die beskrewe vervalle toestand van die volk volgens Jesaja 32, op die monument vergestalt was deur kuithoogte bossies, doringe en distels en totaal verwaarloosde terrein.

Johannes moes daarna kniel met sy hand op die gegraveerde graniet en bid vir bevryding van die gestorwenes. Die ander moes hulle hoede teen hulle harte vashou met die regterhand en die linkerhand agter hul rûe plaas. Johannes het ervaar hoe die siele tydens die gebed, die een na die ander soos 'n sagte bries teen sy hand verbyskuur van onder na bo. Dit was opmerklik hoe die vingermerke van Johannes, selfs na deurdringende reën, net so helder op die sarkofaag sigbaar gebly het. In die gees het Pieter Duisende Boere gesien wat uit hulle grafte opgestaan het. Al hierdie Boere het tydens die Boere-oorloë gesneuwel. Jahshua het ook vir Pieter in die gees gewys waar Hy, Jahshua, en 'n menigte engele om ons staan. Jahshua het aan Pieter gesê dat Hy en die sewe aartsengele wat ook teenwoordig was, die hoogste geestesryk verteenwoordig, die menigte engele die hemele verteenwoordig, die Boere die laer geestesryk verteenwoordig en ons aanwesige twaalf die aardse verteenwoordig. Die vier groepe verwys ook na die vier punte van die kruis van Jahshua, waar Hy en Sy sewe aartsengele die boonste punt is, die engelskare wat aan Sy regterhand sit, die regterpunt is, die linkerkant ons is wat lewe in Sy Liefde en die Boere die onderste punt is wat bevry moet word van die doderyk wat die kluistering is.

Johannes het opgestaan en elkeen moes weer sy hoed op die sarkofaag plaas, hierdie keer, soos eers later opgemerk, met voorkante na binne. Elkeen het gebid vir die volk, beginnende by Dirk en afgesluit deur Johannes. Dirk moes die vier hoeke van die mens en Suid-Afrika in sy gebed salf, soos deur die Gees aan Hom opgedra. Druppels reën het sag begin val tydens die gebede en Nalize het dit in die Gees gesien as

druppels bloed wat val, ter bevestiging van die Verlossingsverbond wat reeds gesluit is op 29 Oktober 2008. Jeanie het in die Gees gesien hoe Jahshua ons en die monument in Sy hand hou en seën tydens die gebed.

Hierna moes Kobie 'n bossie wit en geel blomme op die sarkofaag plaas. Hierdie blomme simboliseer die volgende: "Die geel blomme stel die lydsaamheid voor van die gestorwe siele, wat nou genoeg gely het en die wit blomme simboliseer dat hulle nou rein en skoon is en teruggaan na Vader toe". Volgens die oprigters van

die monument, stel die vier hoeke, waar die vier gedenkplate voorkom, die vier ou provinsies voor. Deur die vrylating van gevange siele te Bergendal monument, is alle gestorwe Boere krygers in al vier provinsies ook bevry.

Hierna het almal weer na die Herberg vertrek.

